



CONCELLOS

BEGONTE

Anuncio

RESOLUCIÓN DA ALCALDÍA

Asunto: Aprobación da listaxe definitiva de admitidos e excluídos, designación de Tribunal e data e lugar de valoración dos méritos do concurso do proceso extraordinario de estabilización do emprego temporal convocado para a selección como persoal laboral fixo de 1 Praza de Auxiliar de Axuda no Fogar.

Rematado o prazo de presentación de reclamacións e/ou alegacións á listaxe provisional de admitidos e excluídos do proceso selectivo convocado para a provisión polo sistema de concurso de 1 praza de Auxiliar de Axuda no Fogar (BOP nº 040, do 17 de febreiro de 2023), de conformidade coa cláusula sexta das ditas bases e no exercicio das facultades atribuídas a esta Alcaldía polo art. 21.1 da Lei 7/1.985, de 2 de abril, Reguladora de Bases de Réxime Local, pola presente

RESOLVO:

Aprobar a seguinte listaxe definitiva de admitidos e excluídos para a provisión da praza de Auxiliar de Axuda no Fogar:

Admitidos:

APELIDOS E NOME.	D.N.I.	PROBA GALEGO
1.- MESA LÓPEZ ISABEL.	***0370**	NON.
2- CRUZ COIRA MARÍA LUZ.	***4071**	NON.

Excluídos: Non hai.

2º.-Designar como membros do Tribunal de selección encargado da valoración dos correspondentes méritos ás seguintes persoas:

Presidente:Dna. Natalia Puente Piñeiro, Traballadora Social do Concello de Begonte.

Suplente:Dna. Mª Jesús Blanco Prado, Técnico en Desenvolvemento Económico e Social do Concello de Begonte.

Vogal 1º: Pablo Veiga López Castelo, Traballador Social do Concello de Friol.

Suplente: D. Manuel Seijas Ferreiro, Encargado de Obras e Servizos do Concello de Begonte.

Vogal 2º:Dna. Sara Martínez Ferreiro, Auxiliar administrativa do Concello de Begonte.

Suplente:D. José Ángel Balseiro Amido, Secretario-Interventor do Concello de Rábade.

Vogal 3º: Ana Isabel Torres Fernández, Traballadora de social de Castro de Rei.

Suplente:D. Julio González Casanova, Secretario-Interventor do Concello de Friol.

Secretaria:Dna. Ángeles Corral Debasa, Traballadora Social do Concello de Rábade.

Suplente: D. Antonio Lorenzo Morandeira, Secretario-Interventor do Concello de Begonte.

3º.- Convocar ao Tribunal para a súa constitución e a posterior valoración dos méritos dos aspirantes, o día 20 de xuño, ás 09.30 h. no salón de sesións.

4º.- Publicar a presente Resolución no Boletín Oficial da Provincia, Taboleiro municipal de Edictos e Sede Electrónica, para xeral coñecemento e efectos oportunos.

5º.- Dar conta ao pleno na próxima sesión ordinaria que se celebre.

O manda e asina o sr. Alcalde-Presidente, en Begonte, de todo o cal eu Secretario dou fe.

Begonte, 12 de xuño de 2023.- O Alcalde en funcións, José Ulla Rocha.- O Secretario-Interventor, Antonio Lorenzo Morandeira.

R. 1828

BURELA

Anuncio

Por Decreto da Alcaldía nº 2023-0466 de data 08/06/2023 apróbase a convocatoria e as bases reguladoras do proceso que se levará a cabo para a selección de dous/dúas conserxes ao abeiro do "Programa Fomento de Emprego" incluído no Plan Provincial Único de cooperación cos Concellos 2022:

"BASES DA CONVOCATORIA PARA A SELECCIÓN DE DOUS/DÚAS CONSERXES MEDIANTE A MODALIDADE DE FUNCIONARIO INTERINO (ART. 10.1.c/ EBEP) AO ABEIRO DO PROGRAMA "FOMENTO DO EMPREGO", INTEGRADO NO PLAN PROVINCIAL ÚNICO DE COOPERACIÓN COS CONCELLOS 2022.-"

1.- OBXECTO DA CONVOCATORIA

Constitúe o obxecto das presentes bases a regulación do procedemento de selección que se levará a cabo para a selección de dous/dúas conserxes ao abeiro do "Programa Fomento de Emprego" incluído no Plan Provincial Único de cooperación cos Concellos 2022.

Características dos postos:

-Grupo/Subgrupo profesional: E

-Réxime Xurídico: Funcionarial (Funcionario interino do artigo 10.1.c/ "execución de programas de carácter temporal" do Real Decreto Legislativo 5/2015, do 30 de outubro, polo que se aproba o Texto refundido da Lei do Estatuto Básico do Empregado Público).

-Duración do nomeamento: 6 meses e co límite temporal do 31 de outubro de 2023.

-Xornada: A xornada parcial (50%)

- Horario: Segundo necesidades do servizo.

-Retribucións mensuais: segundo Convenio colectivo aplicable ao persoal laboral do Concello de Burela co seguinte desglose bruto mensual: salario grupo E 318,57; complemento de destino (nivel 14) 177,18 €; complemento específico: 73,535 €; parte proporcional de paga extra.

As funcións e tarefas dos postos serán as seguintes:

-Abertura e peche das instalacións

-Control de accesos en dependencias municipais

-Limpeza e comprobación do ornato nas instalacións onde presten os servizos de control de accesos.

-Tarefas de mantemento básico (substitución de lámpadas, desatranque de desagüe, colocación de mobiliario...)

Todo isto conforme o disposto no Real Decreto Legislativo 5/2015, de 30 de outubro, polo que se aproba o Texto Refundido da Lei do Estatuto Básico do Empregado Público, na Lei 7/1985, de 2 de abril, Reguladora das Bases de Réxime Local, na Lei 2/2015 de emprego público de Galicia, e demais normas concordantes de aplicación.

As bases íntegras publicaranse no BOP de Lugo e na sede electrónica (<https://burela.sedelectronica.es>) do Concello e estarán a disposición das persoas interesadas no Rexistro Xeral do Concello; igualmente remitiranse á Deputación Provincial para a súa publicación na páxina web institucional.

Toda a documentación que se publique con posterioridade a convocatoria será obxecto de publicidade mediante o correspondente anuncio no taboleiro de edictos sito na casa consistorial e no taboleiro de anuncios dixital, exclusivamente. O acceso ao taboleiro de anuncios dixital realizase a través da sede electrónica do Concello de Burela (<http://burela.sedelectronica.es>).

2.- REQUISITOS DE ADMISIÓN DE ASPIRANTES.

Para ser admitidas á realización destas probas selectivas, as persoas aspirantes deberán reunir os seguintes requisitos:

a) Ter nacionalidade española ou ter nacionalidade doutro Estado co alcance que se sinala no artigo 57 do RD Legislativo 5/2015, do 30 de outubro, polo que se aproba o texto refundido da Lei do Estatuto Básico do Empregado Público.